

29. april 2015

Allanut ajunngitsuliorneq inuiaqatigiinnik kivitseqataaneq, utertitsiffigineqarnissamik akissarsinissamilluunniit siunertaqanngitsoq, inooriaatsitsinni annertunerujussuarmik ileqquliuteqqittariaqarnerata qanoq iliornikkut aaqqissuussamik piviusunngortinneqar-sinnaanera pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Vivian Motzfeldt, Siumut)

Inatsisartuni ilaasortap Vivian Motzfeldt, Siumut oqallisissiaanut soqutiginarluinnaqqinnaartumut imaattumik Siumumiit oqaaseqassuugut.

Siullermik qujajumavungut inuiaqatingiinngusugut ingerlatitaanitsinnut pingaaruteqarluinnartumik oqallisissiaqarneranut. Aammalu Siumumiit pinngittoorusunngilagut nersualaarinnissalluta sineriassuatissni sunngiffitsik atorlungu meeqqanut, inuusuttunut, utoqqarnut allarpassuarnullu piffissarujussuaq nukippassuillu atorlungit ingerlatsinerinut naak ilaanni kiserliornarsisarsinnaagaluartoq.

Sunngiffik atorlungu inoqarfinni tamani peqatigiiffilerinerit ingerlanneqarput. Ingerlalluartoqarpoq, ingerlalluanninnerusoqarpoq aammali ugornartumik peqatigiiffit oqaluttuassartalissuit amerlasuut saqqumilaartuusimagaluartut eriagisariaqartunillu pigisaqartut saqqumiunnaarsimapput.

Siumumiillu aamma arajutisimanneqarpoq inoqarfinni sumiikkaluartuniluunniit pisortat isumalluutiginnikkaluarlugit najukkaminni nunaqqataasunut iluaqutaasussaq siunertaralungu assingiingittunik siunertalinnik pilersitsiniarnermi suleqatigiisitaliornikkut angusarissaarfiusumik suliaqartuqartartoq.

Tamakkuli NGO-nik taaneqartartunut naleqqiullutik saqqumilaartinneqarneq ajorput naak pinngittoorneqarsinnaanngittunik ukiup ulluini tamani ataavartumik sammisasaqartitsiuarnermik ingerlatsigaluartut.

Siumumiillu oqaatingerusupparput suliniaqatigiiffippassuit/peqatingiiffippassuit minnerunngittumik meeqqanut inuusuttunullu suliniarnermik ingerlatsisut tapersersunnginnissaannut akissaqanngilluinnaratta. Taakkuuppummi ukioq kaajallallungu qujassutissartalissuarmik suliaqartuartsuut.

Inatsiartunili ilaasortap Vivian Motzfeldt-ip siunnersuutaata soqutiginaataa tassaavoq ilinniar-titaanermut atatillungu akissaq akissarsiasarlunniit aallaaviginagu atuarnermut ilangitillungu pisariaqartitsinerusortatsinnut ikiuussinnaanissaq. Siumumiit isumaqarpungut oqallisissiaq assorujussuaq soqutiginarpoq. Tassami isumassuinerusinnaaneq inuusaatitsinniissimasoq uggor-nartumik ullumikkut takussaajunnaaraluttuinnarsimavoq.

Taamaamat ileqqut allanut ataqinninnerulersinnaanermik nassataqartussaq ilinniarfiit peqatingalugit oqallisigsinnaanera assorujussuaq pilerinartipparput.

Allaallumi oqarusussinnaalluta ilinniarfinni tiiminut ilanngunneqarsinnaanera oqallisseqataaffigerussinnaallutingu. Tassuunakkummi aamma inuussuttut inuiaqatigiilerinermut ilanngullungu iluaqutissarsiorfittut atorsinnaalissammassuk.

Siumut-miit Oqallisissiap soqutiginarluinnartup Ilinniartitaanermut Kultureqarnermullu ataatsimiititaliamut aqutissiuunneqarsinnaanera siunertaralungu Siumumii innersuupparput.

Jess Svane
Siumut